



Broj: 11-16.6-3207-9/15
Datum: 11.08.2015. godine

Na temelju člana 64. stav (1) tačka b), člana 70. stava (1), (3) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku u skladu sa Zapisnikom o ocjeni konačnih ponuda broj: 11-16.6-3207-8/15 od 10.08.2015. godine, u postupku javne nabavke usluge: Održavanje i podrška za softversku aplikaciju za prijavu neželjenih dejstava lijekova za humanu upotrebu (Farmakovigilansa), direktor Agencije za lijekove i medicinska sredstva Bosne i Hercegovine d o n o s i

ODLUKU o izboru najpovoljnijeg ponuđača

Član 1.

Prihvata se preporuka Komisije za javne nabavke u skladu sa Zapisnikom o ocjeni konačnih ponuda broj: 11-16.6-3207-8/15 od 10.08.2015. godine, te se ugovor za javnu nabavku usluge: Održavanje i podrška za softversku aplikaciju za prijavu neželjenih dejstava lijekova za humanu upotrebu (Farmakovigilansa) dodjeljuje ponuđaču Data Design d.o.o., Majevićka br. 9, 81000 Podgorica, Crna Gora, ponuda u iznosu sa PDV-om 41.710,50 KM/ bez PDV-a 35.650,00 KM, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču Data Design d.o.o. Podgorica po dostavljanju traženih dokaza u skladu sa tačkom 12. Tenderske dokumentacije, po proteku roka od 5 dana, računajući od dana od kada je jedini ponuđač obaviješten o izboru najpovoljnije ponude, a po pribavljanju mišljenja Pravobranilaštva BiH.

Član 3.

Za izvršenje ove odluke zadužuje se Sektor za finansijske poslove i Sektor za pravne i opšte poslove.

Član 4.

Ova odluka objavit će se na web-stranici www.almbih.gov.ba istovremeno s upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

Član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-

16.6-3207-1/15 od 30.06.2015.godine. Javna nabavka je provedena pregovaračkim postupkom bez objave obavještenja. Upućen je poziv dobavljaču "Data Design" d.o.o. Podgorica, kao jedinom ponuđaču koji može da ispunjava tražene uslove u skladu sa članom 21. tačka c) i članom 28. stav (1) Zakona o javnim nabavkama Bosne i Hercegovine te članom 34. Zakona o autorskim i srodnim pravima ("Službeni glasnik Bosne i Hercegovine", broj 63/10). Procijenjena vrijednost javne nabavke bez PDV-a je 36.000,00 KM (slovima: tridesetšest hiljada KM).

Komisija za javnu nabavku imenovana je Odlukom broj: 11-16.6-3207-2/15 od 30.06.2015. godine.

Zapisnikom komisije broj 11-16.6-3207-5/15 od 29.07.2015.godine konstatovano je da je ponuđač kvalifikovan za pružanje tražene usluge u skladu sa zahtjevima Tenderske dokumentacije, te je isti pozvat da dostavi početnu ponudu i dođe na pregovore.

U toku pregovora, na osnovu dostavljene ponude, Komisija je sa ponuđačem uspostavila i razjasnila uslove ugovora, što je konstatovano u Zapisniku broj 11.16-3207-7/15 od 03.08.2015.godine. Utvrđeno je da je početna ponuda dostavljena na vrijeme i uredno zapakovana, koričena, ovjerena i numerisana. Shodno na ispunjenost osnovnih kvalifikacionih uslova, pristupilo se pregovaranju. Prvo pitanje je postavljeno da se poveća minimalni broj sati mjesečnog održavanja, na šta ponuđač nije pristao jer je predviđeni minimalni broj sati na 60 već predhodno povećavan. Nakon toga je Komisija prešla na pregovore o ekonomskim aspektima održavanja, obzirom da se nije izvršilo uvećavanje broja sati za mjesečno održavanje, tražilo se umanjeње cijene za istu obavezu. Pregovrano je o ekonomskim aspektima ugovora s ciljem da se umanjí ukupna cijena data u inicijalnoj ponudi. Cijena u inicijalnoj ponudi ponuđena je 44.015,00 KM sa PDV-om ili 37.620,00 KM bez PDV-a godišnje. Pregovaranju bio je prisutan ovlašteno lice ponuđača Branimir Bukelić, koji je istakao spremnost da se ukupna ponuda sa PDV-om umanjí za 164,167 KM bez PDV-a mjesečno u odnosu na početnu ponudu tj. godišnje za 1.970,00 KM bez PDV-a koje se odnosi na minimalno mjesečno 60 sati održavanje a za SSL sertifikat godišnje ostaje 250,00 KM bez PDV-a . Shodno navedenom konačna ponuda od ponuđača „Data Design“ d.o.o. Podgorica bi bila 35.650,00 KM bez PDV-a (35.400,00+250,00), odnosno 41.710,50 KM sa PDV-om godišnje za po minimalno 60 sati mjesečnog održavanja i godišnja pretplata za sertifikat SSL.

Komisija je, Zapisnikom broj 11.16-3207-8/15 od 10.08.2015.godine, konstatovala da je ponuđač data Design d.o.o. Podgorica na vrijeme dostavio konačnu ponudu u skladu sa postignutim dogovorima. Komisija za javnu nabavku, 10.08.2015.godine, dostavila je Zapisnik o ocjeni konačnih ponuda broj: 11.16-3207-8/15 od 10.08.2015. godine, sa izvještajem o ocjeni ponude i preporukom o izboru najpovoljnijeg ponuđača, u postupku javne nabavke usluge: Održavanje i podrška za softversku aplikaciju za prijavu neželjenih dejstava lijekova za humanu upotrebu (Farmakovigilansa).

Komisija za javnu nabavku je izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće: da je ukupan broj pristiglih ponuda 1 (jedan), da je blagovremeno zaprimljena jedna ponuda i da je ponuda ponuđača Data Design d.o.o. Podgorica prihvatljiva.

RANG-LISTA OCIJENJENIH PONUDA

Red. broj	Naziv ponuđača	bez PDV-a (KM)	sa PDV-om (KM)	Broj bodova
	Najpovoljniji uslovi	35.650,00	41.710,50	100,00
1	Data Design d.o.o. Podgorica	35.650,00	41.710,50	100,00

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu pristigle ponude, u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskom dokumentacijom.

Izabrani ponuđač Data Design d.o.o. Podgorica je izabran primjenom kriterija najniže cijene, koja je ponuđena u iznosu od 35.650,00 KM bez PDV-a, odnosno 41.710,50 KM sa PDV-om, jednoktarano godišnje 250,00 KM bez PDV-a/ sa PDV-om 292,50 KM za pretplatu sertifikata SSL i uz mjesečno plaćanje 2.950,00 KM bez PDV-a / 3.451,50 KM sa PDV-om.


Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1. Ponuđaču,
2. Komisiji za javne nabavke,
3. Sektoru za finansijske poslove,
4. Sektoru za pravne i opšte poslove
5. web-stranica
6. a/a.



DIREKTOR

Prim. na r. Nataša Grubiša, spec.

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Велъка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba